

Rhizoma Zingiberis.

Ingwer.

*Radix Zingiberis.**Zingiber officinale Roscoe. Scitamineae Juss.*

I. 1. L.

Rhizoma distiche ramosum, paullum depressum, compactum, ponderosum, aut undique aut in faciebus modo decorticatum, fractura paullum fibrosum, pallide subflavum aut albidum, receptaculis resiniferis parvis, creberrimis obsitum, manducatum urens, odoris peculiaris, aromatici.

Rotulae Menthae piperitae.

- R.* Rotularum Sacchari partes ducentas, 200.
 Olei Menthae piperitae partem unam, 1.
 Aetheris acetici partes tres. 3.

Oleum menthae et aetherem in vas vitreum infunde, quod iis intus humectes. Tum rotulis sacchari immissis vas bene conquassa, ut rotulae perfecte humectentur. In vase bene clauso serventur.

Saccharum Lactis.

Milchzucker.

Massae e crystallis compactis constantes, albae, durae, subdulces, in aquae frigidae partibus septem solubiles, in spiritu vini rectificatissimo indissolubiles.

Santoninum.**Santonin.**

Crystalli coloris expertes, aëri expositae flavescentes, in aqua minima ex parte, in spiritu vini rectificatissimo bulliente facile, in chloroformii partibus tribus solubiles. Cum acidis santoninum non conjungitur, cum kali autem et natro et calcaria conjunctiones, in aqua facile solubiles init. Odoris est nullius, saporis peramari, ignitum liquescit, partim non disjunctum sublimatur et sine residuo comburitur.

A luce remotum servetur.

Sapo jalapinus.

R. Resinae Jalapae, 2.
Saponis medicati, singulorum partes duas, . . 2.
Spiritus Vini rectificati partes quatuor. 4.

Resina Jalapae et sapo spiritu vini affuso leni calore emolliantur, tum mixta in balneo vaporis sub continua agitatione ad massae pilularis densitatem evaporent, ut totum pondus sit partium quatuor et dimidia.

Sit coloris e fusco grisei; in spiritu vini rectificatissimo solubilis.

Sapo medicatus.

R. Adipis suilli recentis,	12.
Olei Olivarum Provincialis, singulorum partes duodecim,	12.
Natri hydrici soluti partes quatuordecim, . .	14.
Aquae destillatae partes septuaginta sex, . .	76.
Natrii chlorati partes sex,	6.
Aquae destillatae partes duodeviginti.	18.

Adipem et oleum olivarum leni calore in vase porcellanico liqua, tum sensim natrum hydricum solutum exactissime admisce. Mixtura loco calido stet per aliquot dies, tum sapo inde ortus induratus in Aquae destillatae priore copia balneo vaporis, saepius agitando, solvatur.

Soluto limpido addatur solutum e natrio chlorato et Aquae destillatae altera copia paratum et filtratum, quo facto mixta in balneo vaporis inter agitationem stent, donec sapo perfecte separatus fuerit.

Post refrigerationem saponem lixivio innatantem exime, Aqua destillata ablue, inter linteum sensim at fortiter exprime, loco calido exsicca et in pulverem redige.

Sit pulvis albus, odore non rancido, a metallis omnino, a natro hydrico et carbonico nec non a natrio chlorato, quantum fieri potest, liber.

Secale cornutum.

Mutterkorn.

Claviceps purpurea Tulasne. Pyrenomyces Fries.
XXIV. 4. L.

Corpora fungosa (stromata sterilia) obtuse trigona, plerumque subcurvata, utrinque vel sursum attenuata, trisulca, coloris atro-violacei, saepe pruinosa, intus pallidiora, in apice plerumque appendice (calyptra) sordide albida, floccosa oblecta, pollicem fere longa, ad lineam unam et dimidiam crassa.

Secale cornutum admodum a Secali cereali colligatur; siccatur in vasis bene obturatis nec ultra annum servetur.

Semen Amygdali amarum.

Bittere Mandeln.

*Amygdalae amarae.**Amygdalus communis L. a.*

Amygdalus amara De Candolle. Amygdaleae Juss.
XII. 1. L.

Rejiciantur semina vetusta, maculis subflavis intus conspersa, nec non vermiculatione exesa.

Semen Amygdali dulce.
Süsse Mandeln.

Amygdalae dulces.

Amygdalus communis L. β .

Amygdalus dulcis De Candolle. *Amygdaleae* Juss.

XII. 1. L.

Rejiciantur semina vetusta, rancida, maculis flavis intus foeda, nec non vermiculatione exesa.

Semen Colchici.
Zeitlosensamen.

Colchicum autumnale L. *Colchicaceae* De Candolle.

VI. 3. L.

Semina subglobosa, lineari diametro, extus fusca, scrobiculata, subviscida, intus albido-grisea, cornea. Semina ne ultra annum et caute serventur.

Semen Cydoniae.
Quittensamen.

Semen Cydoniorum. *Quittenkerne.*

Cydonia vulgaris Persoon. *Pomaceae* Juss.

XII. 5. L.

Semina cuneata, angulata vel compressa, ad tres lineas longa, ex rubro fusca, epithelio albido, opaco oblecta, plerumque complura conglutinata, in aqua turgescencia mucilagineque liquefacta lubrica. Cave ne semina Mali aut Piri aut Vitis viniferae immixta sint.

Semen Lini.

Leinsamen.

Linum usitatissimum *L.* *Lineae De Candolle.*V. 5. *L.*

Semina ovata, compressa, circiter sesquilinearum, laevia, nitida, fusca, in aqua turgescunt et lubrica.

Semen Myristicae.

Muskatsamen.

Nuces moschatae. *Muskatnüsse.**Myristica fragrans* *Houttuyn.* *Myristiceae R. Brown.*XXII. 13. *L.***Semen Papaveris.**

Mohnsamen.

Papaver somniferum *L.* *Papaveraceae Juss.*XIII. 1. *L.*

Semina minuta, reniformia, scrobiculata, e subflavo alba, saporis e subdulci oleosi. Rejiciantur vetusta, saporis rancidi.

Semen Sinapis.

Schwarzer Senfsamen.

Brassica nigra *Koch.* *Cruciferae Juss.* XV. 1. *L.*

Semina subglobosa, fere semilinearum, scrobiculata, e rubro fusca, saporis subamari, oleosi, manducata

vehementer urentia. Cave ne adulterata sint seminibus **Brassicae Rapae L.**, fere tres quadrantes lineae diametro, coloris obscurioris, superficie laeviore, manducatis minus urentibus.

Semen Strychni.

Krähenaugen.

Nuces vomicae. Strychnossamen.

Strychnos Nux vomica L. Strychnaceae Blume.

V. 1. L.

Semina discoidea, orbiculata, pollicem fere lata, medio umbonata, indumento densissime adpresso, ex subflavo griseo, sericeo, oblecta, pilis ambitum spectantibus, cornea, intus fissura instructa.

Caute serva.

Serum Lactis.

R. Lactis vaccini recentis partes trecentas, . . . 300.

Liquoris ad Serum Lactis parandum partem unam. 1.

Lacti vaccino ad 35 sive 40° C. calefacto adde liquorem ad serum lactis parandum, quae exactissime commixta seponere. Coagulatione peracta colando serum lactis a caseo separa.

Sit e subflavo album, saporis non acidi.

Species ad Decoctum Lignorum.

- R.* Ligni Guajaci raspati partes quatuor, 4.
 Radicis Bardanae, 2.
 Radicis Ononidis, singularum concisarum
 partes duas, 2.
 Radicis Glycyrrhizae, 1.
 Ligni Sassafras, singularum concisorum
 partem unam. 1.

Misceantur.

Species ad Infusum pectorale.

- R.* Radicis Althaeae concisae partes octo, 8.
 Radicis Glycyrrhizae concisae partes tres, . . 3.
 Rhizomatis Iridis Florentinae concisi par-
 tem unam, 1.
 Foliorum Farfarae concisorum partes quatuor, 4.
 Florum Verbasci concisorum, 2.
 Fructuum Anisi stellati contusorum, sin-
 gularum partes duas. 2.

Misceantur.

Species aromaticae.*Loco specierum pro Cucupha.*

- R.** Foliorum Menthae crispae, 4.
 Foliorum Melissa, singulorum partes quatuor, 4.
 Florum Lavandulae partes duas, 2.
 Caryophyllorum partem unam. 1.
 Singula minutim concisa, contusa et pulvere subtili
 liberata misceantur.
 In vase clauso serva.

Species laxantes St. Germain.

- R.** Foliorum Sennae Spiritu Vini extractorum
 partes sedecim, 16.
 Florum Sambuci partes decem, 10.
 Fructuum Foeniculi, 5.
 Fructuum Anisi vulgaris, singulorum par-
 tes quinque. 5.
 Concisa et contusa misceantur.
 Quum dispensantur, adde
 Kali bitartarici puri partes tres. 3.

Spiritus aethereus.*Spiritus sulphurico-aethereus.**Liquor anodynus mineralis Hoffmanni.*

- R.** Aetheris partem unam, 1.
 Spiritus Vini rectificatissimi partes tres. 3.

Misceantur.

Sit limpidus, coloris expers, ponderis specifici = 0,808
usque ad 0,812.

In vase bene clauso servetur.

Spiritus Angelicae compositus.

- R.* Radicis Angelicae concisae partes duodecim, 12.
Radicis Valerianae concisae, 3.
Fructuum Juniperi contusorum, singulo-
rum partes tres, 3.
Spiritus Vini rectificatissimi, 54.
Aquae communis, singulorum partes
quinquaginta quatuor, 54.
Camphorae partem unam cum dimidia. 1½.
Radicibus et angelicae et valerianae fructibusque
juniperi in vesicam destillatoriam immissis affunde
spiritum et aquam, macera per horas viginti quatuor.
Quo facto destillent partes septuaginta duae, 72.
in quibus camphoram solve; tum solutum filtra.
Sit limpidus, coloris expers.

Spiritus camphoratus.

- R.* Camphorae partem unam, 1.
Spiritus Vini rectificatissimi partes novem, 9.
Aquae destillatae partes tres. 3.
Camphoram in spiritu vini solve, adde aquam et
filtra.
Sit limpidus, coloris expers.

Spiritus Cochleariae.

- R.** **Herbae Cochleariae** florentis recentis
 concisae partes octo, 8.
Spiritus Vini rectificatissimi, 3.
Aquae communis, singulorum partes tres. . . . 3.
 Herbae cochleariae infundantur spiritus vini et aqua;
 deinde destillent partes quatuor. 4.
 Sit limpidus, coloris expers.

Spiritus Ferri chlorati aethereus.

Spiritus sulphurico-aethereus ferruginosus.

Liquor anodynus martiatus.

Loco Tincturae tonico-nervinae Bestuscheffi.

- R.** **Ferri sesquichlorati soluti** partem unam, . . . 1.
Spiritus aetherei partes quatuordecim. . . . 14.
 Mixta in lagenis vitreis cylindricis, bene obturatis
 solis radiis expone, donec color e fusco flavus omnino
 evanuerit; tum vasa loco umbroso interdum aperiendo
 sepone, donec mixturae color sit subflavus.
 Sit limpidus, coloris subflavi.
 Continet ferri partem unam in 100 partibus.
 In vasis epistomiis vitreis bene clausis servetur.

Spiritus Juniperi.

- R.** Fructuum Juniperi contusorum partem unam, 1.
 Spiritus Vini rectificatissimi, 3.
 Aquae communis, singulorum partes tres. . . . 3.
 Macera per horas viginti quatuor, tum destillent
 partes quatuor. 4.
 Sit limpidus, coloris expers.

Spiritus Lavandulae.

- Paretur e Floribus Lavandulae eodem modo quo
Spiritus Juniperi.
 Sit limpidus, coloris expers.

Spiritus saponatus.

- R.** Saponis Hispanici albi rasi partem unam, . . 1.
 Spiritus Vini rectificati partes tres, 3.
 Aquae Rosarum partem unam. 1.
 Aquam rosarum cum spiritu vini misce; in mixtis
 saponem leni calore solve; solutum filtra.
 Sit limpidus, coloris subflavi.
 Loco non nimis frigido servetur.

Spiritus Sinapis.

- R.** Olei Sinapis partem unam, 1.
Spiritus Vini rectificatissimi partes sexaginta. 60.

Misceantur.

In vasis bene clausis caute servetur.

Spiritus Vini rectificatissimus.

Höchst rectificirter Weingeist.

Alcohol Vini.

Sit limpidus, coloris expers, ab oleo graveolente, Fuselöl dicto, omnino liber, ponderis specifici = 0,830 usque ad 0,834, quod respondet alcoholis partibus mensura dimensis 91 ad 90 in 100 partibus.

Spiritus Vini rectificatus.

- R.** Spiritus Vini rectificatissimi partes quinque, . 5.
Aqua destillatae partes duas. 2.

Misceantur.

Sit limpidus, coloris expers, ponderis specifici = 0,890 usque ad 0,894, quod respondet alcoholis partibus mensura dimensis 70 ad 68 in 100 partibus.

Spongiae ceratae.

Spongiae marinae foraminibus parvis praeditae, ab heterogeneis liberatae et siccatae in frusta dissecantur, Cerae flavae liquefactae probe immergantur, prelo calefacto fortiter exprimantur et quum refrikerint, a cera superflua liberentur.

Stibio-Kali tartaricum.

Tartarus stibiatus. Tartarus emeticus.

- R.** Stibii oxydati partes quatuor, 4.
 Kali bitartarici puri partes quinque, 5.
 Aquae destillatae partes quadraginta octo. . . 48.

Stibio oxydato et kali bitartarico in vas porcellanicum immissis aquam affunde et per horam coque, aquam, quae evaporaverit, restituendo; tum evaporent, ut partes fere triginta sex restent. Soluta adhuc fervida filtrentur et ad crystallisationem seponantur. Ex liquore residuo continuata evaporatione et crystallisatione salis quantum fieri potest paretur. Crystalli abluantur, siccentur et in pulverem subtilissimum redigantur.

Sit pulvis albissimus, ignitus adeo, ut acidum tartaricum omnino deletum sit, residuum relinquens, quod si afflaveris, ne odorem alliaceum spargat. In aquae frigidae partibus quindecim, in aquae ebullientis partibus duabus sit solubilis.

In vase bene clauso caute servetur.

Stibium oxydatum.*Oxydum stibicum.*

R. Stibii sulphurati laevigati partes sex,	6.
Acidi hydrochlorati crudi partes viginti quatuor,	24.
Aquae communis partes ducentas,	200.
Natri carbonici puri partem unam.	1.

Stibio sulphurato in cucurbitam vitream satis amplam immisso affunde acidum hydrochloratum; cucurbita sub divo calefiat, donec omnis gasis evolutio cessaverit. Solutum refrigeratum per vitrum grosso modo contusum filtretur et sub divo evaporet, ut **novem partes** restent. Deinde sub perpetua agitatione in aquam infundatur. Praecipitatum inde ortum in manicam linteam immittatur et **Aqua destillata** bene eluatur. Massae cum **Aqua destillata** in vase porcellanico in pulvem tenuem redactae inter agitationem et digestionem adde liquorem filtratum e natro carbonico et **Aquae destillatae triplo** paratum, aut hujus liquoris tantum, ut reactionem alcalinam debilem producat, nec acidum carbonicum amplius extricetur.

Tunc filtretur, stibium oxydatum bene eluatur et sicceatur.

Sit pulvis albus, qui non nisi ad stibio-kali tartaricum parandum conficiendus est.

Stibium sulphuratum aurantiacum.*Sulphur stibiatum aurantiacum.**Sulphur auratum Antimonii.*

R. Natri carbonici crystallisati crudi partes	
septuaginta,	70.
Aquae communis partes ducentas quin-	
quaginta,	250.
Calcariae ustae recens paratae partes	
viginti sex,	26.
Aquae communis partes octoginta,	80.
Stibii sulphurati laevigati partes triginta sex,	36.
Sulphuris partes septem,	7.
Aquae communis partes centum quinquaginta,	150.

Natrum carbonicum in aquae priore copia in lebete ferreo solve, soluto fervido inter perpetuam agitationem adde calcariam cum aquae altera copia ad massam pultiformem redactam, deinde stibium sulphuratum et sulphur adde. Mixta inter perpetuam agitationem et aquam evaporatione diminutam semper restituendo coque, donec color griseus omnino disparuerit, tum filtra. Residuum cum aquae tertia copia denuo ebulliat, filtretur et **Aqua fervida** bene eluatur. Liquores obtenti in crystallos redigantur, quae **Natro hydrico soluto valde diluto** abluantur.

Harum crystallorum partes viginti quatuor solve in **Aquae destillatae centum partibus**, soluta, si opus fuerit, filtra, cum **Aquae destillatae partibus sexcentis**

dilue et inter agitationem infunde in mixturam refrigeratam, ex **Acidi sulphurici** partibus novem et **Aquae destillatae** partibus ducentis paratam. Praecipitatum injice in filtrum, in quo **Aqua destillata** omnino eluatur. Postremo inter chartam bibulam exprime et loco obscuro, tepido (25° C.) sicca.

Sit pulvis subtilissimus, coloris aurantiaci, odoris expers; qui est saporis acidi, eluendo ab acido liberetur.

A luce arceatur et in vasis bene clausis servetur.

Stibium sulphuratum laevigatum.

Fein zerriebenes Schwefelspiessglanz.

Stibium sulphuratum nigrum laevigatum.

Sulphuretum Stibii nigrum. Antimonium crudum.

Ab arsenico omnino, a plumbo et cupro, quantum fieri potest, liberum sit.

Stipites Dulcamarae.

Bittersüsstengel.

Solanum Dulcamara L. Solanaceae *Bartling.*

V. 1. L.

Caules ramique flexuosi, duas ad quatuor lineas crassi, obsolete quinquangulares, nodis alternis instructi, magis minusve verrucosi, longitudinaliter striati vel sulcati, extus e subviridi vel e subfusco lutei, intus

medulla exsiccata excavati, cortice tenui, peridermate oblecto a mesophloeo viridi, demum albido, intersiccandum sejuncto, ligno initio viridi, paulatim subflavo, valde poroso, saepe stratis ligni concentricis praedito; sapore corticis amaro, ligni dulci.

Stipites plerumque concisos in mercaturam venientes adhibere licet.

Strychnium nitricum.
Salpetersaures Strychnin.

Nitras strychnicus.

Crystalli graciles, flexiles, albae, sericei splendoris, saporis peramari, in aquae ebullientis partibus tribus, in aquae frigidae partibus sexaginta, in spiritu vini absoluto difficile, in alcohole aquam continente facilius solubiles. In aqua solutum strychnium nitricum reactionem neutram prodit, natro hydrico soluto praecipitatur, praecipitatum inde ortum natro hydrico abundante non solubile est. Ignitum intumescit et detonat carbonem relinquens, qui fortiter ignitus sine residuo comburitur. A brucio sit liberum.

In vase clauso cautissime servetur.

Sulphur.
Schwefel.

Sulphur sublimatum. Flores Sulphuris.

Schwefelblumen.

Cave ne selenio, neve arsenico sulphurato sit inquinatum.

Sulphur depuratum.*Flores Sulphuris loti.*

Sulphur iterum iterumque, postremo Aqua destillata abluatur, donec ab acido adhaerente prorsus liberatum sit, tum siccetur et per cribrum trajiciatur.

Sit pulvis citrinus, subtilis, siccissimus. Si sapore acidum in eo percipi possit, abluendo removeatur. Ignitum omnino aut ad residuum valde exiguum usque avolet.

In vase bene clauso servetur.

Sulphur praecipitatum.*Lac Sulphuris.*

R. Calcariae ustae recens paratae partes	
decem,	10.
Aquae communis partes sexaginta,	60.
Sulphuris partes viginti quatuor,	24.
Aquae communis partes ducentas qua-	
draginta,	240.
Aquae communis partes centum quinqu-	
aginta,	150.
Acidi hydrochlorati partes triginta,	30.
Aquae destillatae partes sexaginta.	60.

Calcariae in lebetē ferreo cum aquae partibus sexaginta in pulvem redactae admisce sulphur et adde

aquae partes ducentas quadraginta. Mixta sub continua agitatione et aquam evaporatione diminutam semper restituendo per horam coque, tum per manicam linteam filtra. Residuum cum aquae partibus centum quinquaginta per horam dimidiam iterum coque, filtra et quod remansit, **Aqua fervida** abluere. Liquores obtentos in lagenis bene obturatis per aliquot dies seponere, tum filtra et liquorem tanta **Aquae destillatae** copia dilue ut sit ponderis **partium quingentarum**. Tum liquorem hunc in vas idoneum infunde et inter agitationem sensim acidum hydrochloratum cum aquae destillatae partibus sexaginta mixtum aut tantum hujus mixturae affunde, ut liquor reactionem alcalinam modo debilem producat. Sedimento demisso liquorem supernatantem illico defunde, praecipitatum cum **Aqua destillata** misce et liquorem post aliquod tempus iterum defunde.

Sulphuri praecipitato, si ferrum continet, **Acidi hydrochlorati partes tres** cum **Aquae partibus duodecim** dilutas adde et bene agita. Tum mixturam in manicam injice, sulphur **Aqua destillata** bene abluere, loco tepido (25 ad 35° C.) sicca et contere.

Si vero sulphur praecipitatum ferro non inquinatum est, statim in manicam conjice et fac ut supra dictum est.

Sit pulvis subtilissimus, pallide flavus, odoris expers, ignitus residui paucillum tantum relinquens. Qui sit acidis saporis denuo eluatur.

In vase bene clauso servetur.

Summitates Sabinae.**Sadebaumspitzen.***Herba Sabinae.***Sabina officinalis Garcke. Coniferae Juss.****XXII. 13. (5.) L.**

Ramuli juniores, dense coarctati, foliis minimis, rigidis, rhombeis, in dorso glandula instructis, quadrifariam imbricatis, adultioribus patulis, acutis; odoris peculiaris.

Plantam cultam adhibere licet, ramuli ne ultra annum praesto sint.

Caute servantur.

Syrupi.

Parentur, nisi qua alia ratio praescripta est, ita ut **Saccharum albissimum** in liquore solvatur et solutum semel ebulliat.

Praeter syrupum amygdalarum omnes sint limpidi et perfecte refrigerati in vasis plane exsiccatis beneque obturatis loco frigido servantur.

Syrupus Althaeae.

- R.** Radicis Althaeae concisae partem unam, 1.
 Aquae communis partes duodeviginti. 18.
 Radicem althaeae per aliquot horas in aqua macera,
 liquorem sine expressione cola; in colaturae partibus
 quindecim 15.
 solve
 Sacchari partes viginti quatuor. 24.
 Sit coloris subflavi.

Syrupus Amygdalarum.

- R.** Seminis Amygdali dulcis excorticati par-
 tes octo, 8.
 Seminis Amygdali amari excorticati par-
 tes duas, 2.
 Aquae communis partes sedecim, 16.
 Aquae Florum Aurantii partes tres. 3.
 Seminibus amygdali in mortario lapideo pistillo ligneo
 contusis sensim adde aquam communem et aquam
 florum aurantii. Liquorem per pannum laneum cola
 et in colaturae viginti partibus 20.
 in balneo vaporis solve
 Sacchari partes triginta sex 36.
 Sit coloris albidus.

Syrupus Balsami Peruviani.*Syrupus balsamicus.*

- R.** Balsami Peruviani partem unam, 1.
 Aquae fervidae partes duodecim. 12.

Balsamum in vase clauso per aliquot horas cum aqua digere, liquorem refrigeratum defunde, tum filtra et in decem ejus partibus 10.

solve

- Sacchari partes duodeviginti. 18.

Sit coloris subflavi.

Syrupus Cerasorum.

- R.** Cerasorum acidorum recentium quantum placet.

Cum nucleis contusa stent per triduum, tunc succum exprime, quem sepone, donec fervore peracto limpidus appareat.

- In hujus succi filtrati partibus quinque 5.
 solve

- Sacchari partes novem. 9.

Sit coloris atro-purpurei

Syrupus Cinnamomi.

- R.* Corticis Cinnamomi Cassiae grosso modo
contusi partes duas, 2.
Aquaе Cinnamomi spirituosae partes duo-
decim, 12.
Aquaе Rosarum partes duas. 2.
Digerantur in vase clauso per biduum et filtrentur.
In liquoris filtrati partibus undecim 11.
solve
Sacchari partes duodeviginti. 18.
Sit coloris e rubente fusci

Syrupus communis.**Gemeiner Syrup.**

Nonnisi syrupus in depurando saccharo Indico ob-
tentus adhibeatur.

Syrupus Corticis Aurantii.

- R.* Corticis Fructus Aurantii a parenchymate
interno albo mundati et conceisi
partes duas, 2.
Vini Gallici albi partes tredecim. 13.

Cortici fructus aurantii vinum infunde, in vase clauso per biduum macera, tum exprime et filtra.

In liquoris filtrati partibus undecim. 11.
solve

Sacchari partes duodeviginti. 18.

Sit coloris e subflavo fuscii.

Syrupus Florum Aurantii.

Loco Syrupi Capillorum Veneris.

R. Sacchari partes novem, 9.

Aquae Florum Aurantii partes quinque. 5.

Sit coloris expers.

Syrupus Glycyrrhizae.

Syrupus Liquiritiae.

R. Radicis Glycyrrhizae concisae partes quatuor, 4.

Aquae communis partes duodeviginti. 18.

Macera per noctem. Liquor expressus et colatus semel ebulliat, tum in balneo vaporis evaporet, ita ut post refrigerationem et filtrationem supersint partes septem, 7.

in quibus solvantur

Sacchari, 12.

Mellis depurati, singulorum partes duodecim. 12.

Sit coloris e flavo fuscii.

Syrupus Ipecacuanhae.

- R.** Radicis Ipecacuanhae contusae partes tres, . 3.
 Aquae communis partes octoginta quinque, . 85.
 Spiritus Vini rectificatissimi partes decem. . . 10.

Digere per horas viginti quatuor, tum filtra et in liquoris filtrati partibus octoginta octo 88.
 solvantur

Sacchari partes centum quadraginta quatuor. 144.

Sit coloris subflavi.

Syrupus Rhei.

- R.** Radicis Rhei concisae partes duodecim, . . . 12.
 Corticis Cinnamomi Cassiae contusi partes tres, 3.
 Kali carbonici puri partem unam, 1.
 Aquae communis partes nonaginta sex. 96.

Macerentur per noctem. In liquoris colati et filtrati partibus octoginta 80.
 solve

Sacchari partes centum quadraginta quatuor. 144.

Sit coloris e fusco rubri.

Syrupus Rubi Idaei.

Succus rubi idaei e Fructibus Rubi Idaei recentibus contritis eodem modo paretur, quo Succus Cerasorum.

In hujus succi partibus quinque 5.
solvantur

Sacchari partes novem. 9.

Sit coloris rubri.

Syrupus Senegae.

R. Radicis Senegae concisae partes duas, 2.

Aquae communis partes viginti duas, 22.

Spiritus Vini rectificatissimi partes tres. 3.

Macera per biduum, tum exprime et filtra.

In liquoris filtrati partibus viginti duabus 22.
solvantur

Sacchari partes triginta sex. 36.

Sit coloris subflavi.

Syrupus Sennae cum Manna.

Loco Syrupi mannati.

R. Foliorum Sennae concisorum partes octo, 8.

Fructuum Foeniculi contusorum partem unam, 1.

Mannae partes duodecim, 12.

Aquae fervidae partes quadraginta octo. 48.

Foliis sennae, fructibus foeniculi et mannae infunde aquam fervidam. Stent in vase clauso per aliquot horas interdum agitata, tum exprimantur, liquor subsidat et coletur. In colaturae partibus quadraginta octo 48. solvantur

Sacchari partes quadraginta octo. 48.
Sit coloris fusci.

Syrupus simplex.

Syrupus Sacchari. Syrupus albus.

R. Sacchari partes novem, 9.
Aquaе communis partes quinque. 5.
Sit coloris expers.

Syrupus Spinae cervinae.

Syrupus domesticus. Syrupus Rhamni catharticae.

Succus e Fructibus Rhamni catharticae recentibus et perfecte maturis eodem modo, quo Succus Cerasorum paretur.

In succi partibus quinque 5.
solve

Sacchari partes novem. 9.
Sit coloris violacei.

Syrupus Succı Citri.

- R. Succı Citri** recens expressi et filtrati
partes quinque, 5.
Sacchari partes novem. 9.
Sit coloris subflavi.

Terebinthina.

Terpenthin.

Terebinthina communis.

Picea excelsa *Link.* **Pinus Pinaster** *Aiton.*

Pinus nigricans *Host.* **Pinus silvestris** *L.*
et nonnullae aliae Pini species.

Coniferae *Juss.* XXI. 9. (2.) *L.*

Balsamum ex subflavo album, turbidum, tenax, mellis densitate, subgranulosum, quum non movetur superne stratum limpidius, diaphanum separans, odoris peculiaris.

Terebinthina laricina.

Lärchen-Terpenthin.

Terebinthina Veneta. *Venetianischer Terpenthin.*

Larix decidua *Miller.* **Coniferae** *Juss.*

XXI. 9. (2.) *L.*

Balsamum spissiusculum, diaphanum, tenacissimum, subflavum, odoris peculiaris, non ingrati.